



Agencija za ravnopravnost spolova BiH Ministarstva za ljudska prava i izbjeglice Bosne i Hercegovine objavljuje:

JAVNI POZIV

za dostavljanje ponuda za konsultantske usluge
analize pravnog, institucionalnog i organizacionog okvira za uspostavu mehanizma za prikupljanje podataka
u projektu

„Jačanje kapaciteta institucija za rješavanje rodno zasnovanog nasilja u BiH“

O projektu

Projekat „Jačanje kapaciteta institucija za rješavanje rodno zasnovanog nasilja u BiH“ provodi Agencija za ravnopravnost spolova BiH, Ministarstva za ljudska prava i izbjeglice uz podršku američkog naroda preko Američke agencije za međunarodni razvoj (USAID).

Cilj projekta je povećati kvalitet usluga i jednak pristup svih žrtava prevenciji i zaštiti od rodno zasnovanog nasilja u BiH. Provedba projekta je počela 1. juna 2017.godine a završetak projekta je planiran za kraj 2019.godine.

U svrhu postizanja gore navedenog cilja, predviđena je realizacija nekoliko specifičnih aktivnosti u sljedeća tri glavna područja djelovanja:

- 1. Usklađivanje regulatornog okvira i standarda za jednak pristup zaštiti i učinkovitijoj prevenciji rodno zasnovanog nasilja u BiH,*
- 2. Izgradnja kapaciteta za bolji kvalitet zaštite od i prevencije rodno zasnovanog nasilja*
- 3. Usaglašena metodologija i uspostavljeni mehanizmi za prikupljanje podataka, praćenje stanja i izvještavanje o rodno zasnovanom nasilju.*

Opis zadatka

U cilju uspostavljanje mehanizma za prikupljanje podataka, praćenje stanja i izvještavanje o rodno zasnovanom nasilju u BiH, Agencija za ravnopravnost spolova BiH Ministarstva za ljudska prava i izbjeglice BiH raspisuje poziv za angažiranje konsultanta/ice za izradu analize usaglašenosti postojećeg okvira za uspostavu navedenog mehanizma u Bosni i Hercegovini kao i preporuka za eventualne izmjene i dopune zakona i podzakonskih akata.

Od konsultanta/ice se očekuje sljedeće:

- Izrada plana rada usaglašenog sa Agencijom za ravnopravnost spolova BiH Ministarstva za ljudska prava i izbjeglice BiH
- Analiza pravnog, institucionalnog i organizacionog okvira za uspostavu mehanizma za prikupljanje podataka, praćenje stanja i izvještavanje o rodno zasnovanom nasilju u Bosni i Hercegovini
- Izrada preporuka za izmjene zakonske regulative u cilju uspostave mehanizma za prikupljanje podataka, praćenje stanja i izvještavanje u skladu sa Istanbulskom konvencijom
- Sastanci sa relevantnim sektorskim grupama, institucijama i pojedincima radi izrade preporuka i prijedloga izmjena u cilju harmonizacije sa Istanbulskom konvencijom
- Učešće u radu ekspertne grupe
- Izrada finalnog izvještaja sa opažanjima, zaključcima i preporukama za daljnje djelovanje

Uvjeti anganžmana

Konsultant/ica će biti angažiran/a na osnovu ugovora o djelu. Sjedište konsultanta/ice je Agencija za ravnopravnost spolova BiH Ministarstva za ljudska prava i izbjeglice BiH u Sarajevu. Angažman predviđa putovanja unutar Bosne i Hercegovine radi održavanja sastanaka sa relevantnim grupama, institucijama i pojedincima. Na ovaj javni poziv se mogu prijaviti konsultanti/ice iz Bosne i Hercegovine i zemalja okruženja. Obračun naknade za pružene usluge će se vršiti na osnovu broja dana angažmana. Okvirni period angažmana je 22 ekspert-dana u periodu od tri mjeseca.

Kvalifikacije konsultanta/ice

Kvalifikacione:

- Univerzitetska diploma
- Najmanje 5 godina radnog iskustva
- Najmanje 2 godine relevantnog analitičkog i istraživačkog iskustva i objavljenih publikacija
- Aktivno znanje jednog od službenih jezika u Bosni i Hercegovini

Poželjne:

- Poznavanje pitanja vezanih za ravnopravnost spolova i Istanbulsku konvenciju
- Iskustvo u organizaciji i vođenju sastanaka
- Iskustvo u procesima uspostavljanja sistema za prikupljanje podataka, praćenje stanja i izvještavanje
- Izražene komunikacijske i analitičke vještine
- Spremnost na timski rad i saradnju sa svim akterima
- Aktivno znanje engleskog jezika
- Vozačka dozvola „B“ kategorije

Način apliciranja

Ako ispunjavate gore navedene uvjete potrebno je da svoju ponudu dostavite na sljedeće adresu:

Ministarstvo za ljudska prava i izbjeglice BiH

Agencija za ravnopravnost spolova BiH

Kulovića 4,

71000 Sarajevo

ili putem elektronske pošte na adresu **protokol.ARSBiH@mhrr.gov.ba** sa naznakom „za javni poziv pravna analiza sistema prikupljanja i razmjene podataka o rodno zasnovanom nasilju“.

Ponuda mora da sadrži sljedeće: kratko prateće pismo (do 1000 riječi), biografiju kandidata/kinje i prijedlog plana rada u kojemu treba biti naznačena metodologiju rada, aktivnosti, očekivani rezultati i vrijeme potrebno za svaku od aktivnosti.

Rok za predaju ponude

Rok za predaju ponude je deset dana od objave .